

女科要略

有中医藥學會書

編目 11-102 $\frac{8}{12}$



女科要略
寶坨產



光緒癸未孟秋
江西書局開雕



韓園居士輯女科要略付之剞劂而屬余校其
字且曰婦人之病與男子俱同惟經之前後與
胎產之前後則治法有別此編取傳青主徐靈
胎陳修園及越中錢氏祕方諸書擇其用藥精
審諸名家意議相符者一以經驗爲準無取多
也略而已非云備也要而已今與倪鳳賓產寶
合刻之俾閨房中各置一編隨時瀏覽開卷瞭
然適遇有症可免煩亂延醫雜投方藥之弊矣

余因書其語以爲緣起云光緒丁丑六月朔壺

園寓客識

步細而曰表云辭少要而曰今與於鳳寶蓋
審諸各案意結匪格皆一以盤纏爲準無取
似刺赴園又鼓中幾丑斷式諸書器其用藥味
似蜜之諸藥味皆者有似此論取掛書主命
罕且曰轍人之說與吳子於同掛錄之諸藥與
韓園訊士紳文林更領林之諸國而風余妹其



北京中医药大学图书馆版权所有

女科要略目錄

調經一

安胎二

臨產三

產後四



女科要略

韓園居士增輯

調經

婦人一科。專以月事爲主。經水一月一至。不愆其期。故名月信。古人以月經名爲月信。不止命名確切。而月事之有無多少遲速。及一切治療之原委。無不包括於信字之中。夫五行之土。猶五常之信也。脾爲陰土。胃爲陽土。而皆屬信。信

則以時而下。不愆其期。雖曰心生血。肝藏血。衝
任督三脈俱爲血海。爲月信之原。而其統主則
唯脾胃。脾胃和。則血自生。謂血生於水穀之精
氣也。若經血之來。前後多少有無不一。謂之不
調。不調則爲失信矣。經云土太過則敦阜。阜者
高也。敦者厚也。旣高而又厚。則令除去。宜用平
胃散。加大黃。白芍藥。枳實。桃仁之類。經又云土
不及則卑監。卑者下也。監者陷也。坑也。旣下而

又陷坑。則令培補。宜六君子湯。加芎、歸、柴、芍。及
歸脾湯之類。此言經水不調。以虛實分之也。又
有以陰陽偏勝分之者。許叔微云。婦人病多是
月經乍多乍少。或前或後。時發疼痛。醫者一例
呼爲經病。不辨陰勝陽。陽勝陰。所以服藥少效。
蓋陰氣乘陽。則胞寒氣冷。血不運行。經所謂天
寒地凍。水凝成冰。故令乍少。而在月後。或斷絕
不行
若陽氣乘陰。則血氣散溢。經所謂天暑地熱。經

水沸騰。故令乍多而在月前。或一月數下當別其陰陽。調其氣血。使不相乖。以平爲期。此叔微統論陰陽之道也。而余則以陰陽二字專指脾胃而言。蓋脾者太陰之濕土也。不得陽明燥氣以調之。則寒濕盛而陰獨勝。陰道常虛。卽內經卑監之旨也。胃者陽明之燥土也。不得太陰之濕氣以調之。則燥熱盛而陽獨勝。陽道常實。卽內經敦阜之旨也。至於用方。以四物湯加香附。

茯神、炙草爲主。陰勝加乾薑、桂、附、吳萸、及桃仁、紅花之類。陽勝加知柏、芩、連、續斷、門冬之類。平淺淺中亦不可廢。

李氏曰。婦人月水循環。纖疴不作而有子。若兼潮熱腹痛。重則咳嗽汗嘔。或瀉。有潮熱則血愈消耗。有汗咳嘔則氣往上行。瀉則津偏于後。痛則積結于中。是以必先去病而後可以滋血調經。就中潮熱疼痛尤爲婦人常病。蓋血滯積入

骨髓便爲骨蒸。血滯積瘀。與日生新血相搏。則爲疼痛。血枯不能滋養百骸。則蒸熱于內。血枯胞絡火盛。或挾氣食積寒冷。則爲疼痛。凡此諸病。皆阻經候不調。必先去其病。而後可以調經也。

方氏曰。婦人經病。有月候不調者。有月候不通者。然不調不通中。有兼疼痛者。有兼發熱者。此分而爲四也。細詳之。不調中有趲前者。有退後

者。趲前爲熱。退後爲虛。不通中有血枯者。有血
滯者。血滯宜破。血枯宜補也。疼痛中有常時作
痛者。有經前經後作痛者。常時與經前爲血積。
經後爲血虛也。發熱中有常時發熱者。有經行
發熱者。常時爲血虛有積。經行爲血虛而有熱
也。是四者之中。又分爲八矣。人之血氣周流。忽
有憂思忿怒。則鬱結不行。經前產後。忽遇飲冷
形寒。則惡露不盡。此經候不調。不通作痛。發熱。

所由作也。大抵氣行血行。氣止血止。故治血病以行氣爲先。香附之類是也。熱則流通。寒則凝塞。故治血病以熱藥爲佐。肉桂之類是也。蕭慎齋曰。婦人有先病而後致經不調。當先治病。病去則經自調。若因經不行而後生病。當先調經。經調則病自除。李氏一論。可謂調經之要。然偏而不全。余故補其未盡之旨。若方氏分因詳症。誠得統論調經大法。



婦人經水不調。多不能成孕。宜先審其寒熱虛實。及有無憂鬱。以調其經。如四物湯。時人習用之。妙在川芎一味。陳脩園加入香附、茯神、各二錢爲佐。是取鐵瓮道人之交感丸。參贊其內。交感者。以氣之化於無形也。又加炙甘草。肆錢爲君。是取仲景先生之復脈湯。主持其際。復脈者。以血之運而不息也。真變淺近爲神奇矣。又有加減法。經血先期而至。加芩、連、知、柏。後期而至。

加薑、桂、艾葉。實者加陳皮、枳實。虛者加人參、白
朮。大實而閉者加大黃、枳實、桃仁、牛膝更佐以
抵當湯。桃仁承氣湯。大虛而枯者加參、朮、鹿角
膠、牛膝外更佐以人參養榮湯。經行而復痛拒
按者加延胡索、木香。經已行而腹痛者加人參、
白朮、乾薑。經水不通逆行而爲吐血衄血者加
牛膝、澤蘭、韭汁、童便。若腹中素有痞。飲食滿悶
者。除地黃。加枳實、半夏。色紫者風也。加荆防、白

芷黑者。熱甚也。加芩、連、丹皮、地骨皮。淡白者。虛也。有挾痰停水以混之。加參耆、陳、半。色如烟塵水。如屋漏水者。合二陳湯。再加防風、秦艽、蒼朮、如豆汁者。加芩、連。或帶黃混濁者。濕痰也。或成塊作片。血不變者。氣滯也。加元胡、枳實、陳皮。色變紫黑者。屬熱者多。屬寒者亦有之。宜察脈審症。此外若惡寒發熱頭痛。有汗加桂枝、薑、棗。無汗加麻黃、細辛之類。詳於海藏六合湯不贅。其